



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An Beneficiatus, qui Beneficium quidem actu possidet, sed ob litem
intentatam nullos interim fructus ex illo percipit, teneatur interim
Breviarium recitare, adeóque si recitare intermittat, ...

urn:nbn:de:hbz:466:1-41144

dati, & C. cui nulla, ubi dicitur; si super provisione certæ personæ faciendæ detur potestas alicui, & res fuerit integra, cum concedens moritur, perire gratiam: atqui in posito casu conceditur talis facultas, & res erat adhuc integra; cum mors concedentis Pontificis Romæ acciderit pridie collationis Beneficii Gabrieli hinc factæ: ergo.

Nihilominus contrarium tenent, ac docent Gigas *de pensionib. q. 91. n. 4.* Nicol. Garc. *de benefic. 6. part. cap. 2.* Sanch. *l. 8. D. 28. n. 87.* Gutier *l. 2. can. qq. c. 17. n. 5.* Palao *tr. 3. D. 4. p. 16. §. 4.* Henriq. *l. 14. cap. 17. n. 7.* alique plures, affirmantes, idque probabilius, dictum mandatum morte Pontificis non expirasse, ideoque collationem Beneficii Gabrieli factam, validam fuisse. Ratio est; quia gratia facta non expirat morte concedentis: atqui mandatum in favorem Gabrielis datum censi debet gratia jam facta: ergo non expiravit morte Pontificis, maj. est communis, & certa DD. regula. min. prob. quia eo ipso, quod Gabriel de provisione certi Beneficii obtinuerit mandatum, jus acquisivit ad rem ad tale Beneficium, quod jus maxima gratia reputari debet, ac proinde non cessat morte concedentis re integra. Unde

Ad rationem in contrarium adductam R. tunc expirare manda-

tum morte concedentis juxta *citt. l. mandatum*, quando mandatum non est gratiæ factæ annexum; secus verò, si gratiæ factæ annexum sit, & datum pro illius executione.

Ad textum *cap. si cui nulla*, R. illum loqui de casu, quo non pro certo Beneficio, sed incerto, & posito in electione mandatarii conceditur mandatum; quia tunc non videtur gratia facta certa, & determinata, sed faciendæ, ut ex Rota Gig. Mandos. & aliis docent Garc. n. 30. & Palao l. c. imò ut cum aliis notat Sanch. l. c. textus *citt.* loquitur de casu, quando non datur propriè mandatum, sed solum licentia, & facultas; quia tunc non est executor necessarius, sed voluntarius, ac proinde cessat morte concedentis re integra.

Ad 2. Q. An Beneficiatus, qui 265 Beneficium actu quidem possidet, sed ob litem intentatam, aliamve ob causam nullos inde fructus interim percipit, teneatur pensum Canonicum persolvere? Noto Beneficiatum præter obligationem recitandi Breviarium vi Beneficii; aliam insuper contrahere obligationem, ut si, illud culpabiliter non recitet, teneatur ad restitutionem pro rata fructuum illi correspondentium, secus, si recitare non teneatur justa causa interveniente: Unde refert scire, an talis Beneficiatus, licet aliunde sit obli-

obligatus ad recitandas Horas Canonicas, etiam obligatus sit ad eas perfolvendas vi ipsius Beneficii, quod interim actu possidet? nam si obligatus sit, tenebitur ad restitutionem, si Breviarium recitare intermittat, secus, si recitare obligatus non sit.

Ad quod R. videri obligatum ex eo, quod juxta *cap. tibi absentis, de præbend. in 6.* recitatio Breviarii Beneficiatis simpliciter imposita sit à C. Lateran. & Pio V. ergo & Gabrieli Beneficiato, seu actu possidenti Beneficium. Verum

266 Communis sententia cum Cajetan. *V. horarum canonicarum omissio.* Navar. *c. 25. man. n. 103.* Less. *dub. 31.* Soto *l. 10. de Just. q. 5. a. 3.* Arrag. *2. 2. q. 83. a. 12. dub. 3.* Laym. *l. 4. tr. 2. c. 5.* aliisque docet, Beneficiatum, qui nondum habet actualem possessionem Beneficii, vel habet quidem, sed ita litigiosam, ut dubium omnino sit, an lucraturus sit causam, & Beneficium obtenturus, non teneri Divinum Officium recitare ratione Beneficii, si interim nullos fructus percipiat, nec per ipsum stet, quo minus accipiat. Ratio est, tum quia non videtur æquum esse subire, ac ferre actu onus grave certum pro stipendio incerto, aut dubia possessione, hoc ipso quod multa impedimenta, aut documenta occurrere possint, ob quæ possessio nunquam acquiratur, nec

fructus inde percipiantur; tum quia talis non habet Beneficium secundum omnem effectum, cum Beneficium sit jus percipiendi fructus, nec censetur quis plenè, & perfectè Beneficium antè consecutus, quàm pacificam ejus possessionem acceperit. Unde.

Ad rationem petitam ex *cap. tibi absentis* &c. R. cum Suarez & aliis *l. 4. c. 18.* legem illam, cum sit onerosa, jure limitari, & extendi ad Beneficiatum strictè talem, seu habentem Beneficium propriè, perfectè, ac rigorosè tale, cujusmodi non est, nisi ille, qui Beneficium actu possidet cum fructu. Rectè tamen hinc notant citt. DD. cum Azor. *l. 10. c. 4. q. 9.* Valq. *de Benefic. cap. 4. §. 1. n. 3.* & Rodriq. *p. 1. Sum. cap. 141. Concl. 3.* si talis Beneficiatus spem habeat moraliter certam lucrandi causam, & pacificam possessionem obtinendi, eum omnino teneri ad penum canonicum perfolvendum; ut alibi à nobis dictum est.

Ad 3. Q. An Beneficatus, qui ²⁶⁷ valde tenuè habet Beneficium, teneatur vi Beneficii Breviarium recitare, valde controversum est inter DD. non teneri arbitrantur Sotus *l. 10. q. 5. a. 3.* Less. *l. 2. 34. dub. 31.* Diana *p. 2. tr. 12. R. 9.* Rodriq. Mald. Arrag. si Beneficium habet tam tenuè, ut nec quidem tertiam sustentationis partem adæquet; quia dantur ei redditus tanquam